

نورلۇق يۈزدى

نورلۇق يۈزدى نەشرىياتى ئاپتونوم رايونىمىز

سايى : ۱ - ۱۹۵

كانونى ئاينى ۱۹۲۸
اۋنى يىغىنى سىنا

جلد : ۷ - ۲۱



حرث دأربرمطالعه

محرری :
حامد زبیر

حرثی ایضاح و تعریف ایدن یازیلره تورکجه ده نادرأ تصادف ایتدیکنز جهتهله بر اجنبی عالمنک بو موضوعه دائر قلمه آلدینی بر ائری تورک یوردی قارئینه طائمتی فائدهلی بولدی .

بشته دارالفنونی مدرسلرندن قورنیش جولاً ۱۹۲۲ ده انتشار ایدن «علمی تفکره مدخل» عنوانی اثرنده حرثی زیرده کی وجهله ایضاح ایتکده در :
کولتورا کله سی اصلنده ایشله نهمه بی افاده ایدر . (آغری کولتورا) ایلله طوپراغک ایشله نهمه سندن بحث ایدن رومالیر بو کله بی روحک ایشله نهمه ده اقتباس ایتشلردر . سیسه روده چوق دفعه (کولتورا آئیمی = روحک ایشله نهمه سی) افاده سنه راست کانیر . حرث عمومیتله انسانک معنوی قابلیتلینک انکشافی و بعض موضوعلره تطبیق واستعمالیدر . کولتور کله سنی چوق دفعه (سیویلزاسیون) ایلله دکشیر بورز . حالبوکه سیویلزاسیونک باشده ، داخلی روحه دکل ، بلکه خارجه تعلقی وارددر . اجتماعی تشککک بر درجه سنی افاده ایدن سیویلزاسیونده اجتماعی حیاتک قاعده و قانون مجله سی قورولمش بولنور . بو قاعده و قانونلر بر کتله بی تشکیل ایدن اعضالرک یکدیگریله و بر خلقلک دیگر خلقله اولان مناسبتی تعیین ایدر . سیویلزاسیون (سیویس) کله سندن مشتدرکه بو آز چوق مدلولنده اشارت ایدبور . بروطنداشک اجتماعی بروحدت ایچنده حق و وظیفه سی معیندر . سیویلزاسیون معین اجتماعی قانونلرک خارجه حاکمیتی ، نظام قانونی بی افاده ایدر . بونک عکسی وحشتدر بوراده اجتماعی نظام اولمادینندن هر فرد کندی کیف و منفعتنه کوره قانونی یاپار .

سیویلزاسیون خارجی نظامک حاکمیتی ، حرث ایسه روح داخلی قوتلرینک انکشافی در . سیویلزاسیونک ضدی وحشت ، حرثک ضدی باربارلقدر . اسکی یونانیلر یونان معنوی مدیتندن محروم اقوامه طوپدن باربار دیرلردی . اسکی یونانیلرک نظرنده باربارک علم ، فلسفه ، رسم و هیکل تراشیمی یوقدر . مدنی انسان بی وطنداشدر . حرثی حائر آدم فضلله اولارق تربیه لی ، ایجه بر شخصیتدر . علم ، صنعت و حیاتک

مفکوره دی قیمتلی اوغورنده حسی وارددر . شو حالده سیویلزاسیون دها زیاده خارجی ، حرث ایسه معنوی و داخلی ماهیتی حائردر . سیویلزاسیون نظام قانونی ایلله انسانلری یوشاتارق بر قایله صوقار و مدافعه ایدر . حرث روحی تربیه ایلله یوکسلتکجه چاپالار ، یار آتمه سوق ایدر و فردیتی تمیه ایلر .

سیویلزاسیون خارجی اولارق میخانیک بر طرزده ناظمدر . حرث ایسه عضوی تکاملی تأمین ایدر . اونک ایچون سیسه رو ایلله برلکده روحک کولتورندن بحث ایده بیلیرز . فقط روحک سیویلزه ایدلمسی معناسز بر مفهوم قالیر . کولتورک قلاسیق خلقی اسکی یونانیلر ، سیویلزاسیونک قلاسیق خلقی رومالیردر . برنجیسی علم ، صنعت ، روح داخلی قوت و اقتدارینک خلقی ، صوکنجیسی قانون و سیاسی تشککک خلقی در . سیویلزاسیون و کولتور طبیعی یکدیگریله دائماً علاقه دارد ، قانون حاکمیتک ایلک شرطی ناموسایلیق ، صداقت ، دیگرینک حقنه رعایت ، انضباط فکری کبی بر نوع (نئیک) کولتوردر . اصغری بر حرث ، دیگر تعبیرله تشکیلاتی یابان ، انضباطی تأمین ایدن روحک معنوی و اخلاقی تکاملی اولمادن سیویلزاسیون یوقدر . متکامل بر حرث ده سیویلزاسیونک خارجی انضباطی و نظام قانونیسی اولمادن تصور ایدیله من . بوسایه ده آنجق فردک روحی قوتلری سر بست صورنده انکشاف ایده بیایر . عمومیتله هر ایکیمی برلکده ترقی و انحطاط ایدر .
حرثده اوچ مفهوم آکلارز . بولردن بری عدالت ، ایلیک ، کوزلک کبی قیمتلی قوه دن فعله چیقارمغه ، هیچ اولماز سه اولنره یاقلاشمغه چاپالارز ؛ انسانی انسان یابان بولردر . بو اولمادن انسان ایلله حیوان آراسنده فرق قالماز . حرث مفکوره اعتباریله نامتناهی تکاملک صوکنجی مرحله سیدر . بوحد و دسزلک حرثک اک مهم بر وصف میزیدر . حرث آله ایدیلنجه اختیارلار ، چورور ، فقط مفکوره اولقی اعتباریله اونک ایچون دکشیکلک یوقدر . توقف ایدن بر ملت آرتق حرثی ملت دکلددر . چونکه اونک کوزی اوکنده مطلق قیمتلر بیلدیز کبی بارلامیور اولنره ایرشمکجه چاپالامیور .

ایکجهیمی حرث بر نوع فعالیت دیمکدر .
 کوز اوکنده طوتیلان هدفله یاقلاشقی لازمدر .
 دنیایی اوشکله صوقالی که ایچنده مطلق قیمتله تحقق
 اینسون . فعالیت نقطه نظرندن تدقیق اولنورسه
 حقیقتله نظامی اوکره نکه معطوف علم ، حادثاتک
 ابدی ، تیییک وقاره کنه رستیک اوصافی مشخص بر
 صورتده افاده ایله کوزلک مفهومینی تحقق ایتدیرمه
 چالیشان صنعت ، اییلک قیملرینک تحقیقی تأمین ایدن
 اخلاق اولارق کورونیر . دین ایسه اللهندن ده بواچ
 قیمت نظامنک مودیتنی حسن ایله اوکا حرمت ایدیور .
 عدالت ، اییلک وکوزلکک مطلق مفهوملری انسان
 خلق ایتمور بونلری کوربیور وکشف ایدیور .
 حرث بوسورمله علم ، صنعت ، اخلاق و دینده کی
 مختلف فعالیت طرزله کوره نامتناهی چابالامان
 باشقه برشی دکلدرد .

برعالم حق مناسبتلرک خدودسز آغلربی طامیق
 ایسته یین جهدلرنده ، صنعتکار کوزلک مفهومک
 adaequat طرزده تحقیقنه چابالایان یاراتیشلرنده ،
 اخلاقی تکمل بولنده ، دیندار روح واللله اولان
 انجذابلرنده کندیشنی نهایتسز بروظیفه اوکنده حسن
 ایدیور ودائی فعالیت ساییه سنده برفاچ آدم آتقیق
 اوکا یاقلاشیور . اثرینی هیچ بروقت مکمل ویتنش
 حسن ایتمور . حرث فعالیت اولقی اعتباریله هرشکلده
 فردی قوت صرفنی استلزام ایدر . معنوی فعالیت
 نتیجه لری فیزیق قانونلرینه (عطالت) تابع دکلدرد .
 فعالیت دورونجه تدنی باشلار . اونک ایچور حرثی ،
 دیگر تعبیرله علم ، صنعت ، اخلاق و دیندارانی توارث
 ممکن دکلدرد . آتقیق کتاب ، بنا ، هیکل ، موزه ،

معبد کی مادی واسطه لری توارث ایده بیلیرز .
 توارث ایتدیکمز علم ، صنعت ، ادبیات و دینه عائد
 محصوللری هرسل باشیدن فردی صورتده تأمین
 مجبوردر . علمی بیلیکلری ، صنعتده کی مهارتی ، دینی
 حسی کیمسه یه طاقامایز . حرثی هرکس حکمدار
 اوغلی ، عمله ، چوجوغی عین وجهله کندیشی یا یقه
 مجبوردر . مصر قرالی نه ثوقله دیندن هندسه یی قولای
 اوکره نه نک یوانی صورتدینی زمان نه ثوقله دیس
 (قرالای بولی هندسه یه سوق ایتمز) جوابی ویرمشدی .
 حرثی کندی فعالیتله فردی اولارق تأمین
 سایه سنده آتقیق دها زیاده تکمل ایتدیرمه بیلیرز .
 حیوانک فردی فعالیت اولمایوب عرق سوق طبیی سبله
 یایدینی فعالیت بولندیغندن حرثدن محرومدرد . حرث
 فردی فعالیتله تأمین اولندیینی ایچون سبی اخلاقی بر
 مجبوریتدر . سبی ، اخلاقیلکینی حرثک مفکوره سندن
 آلیر وسیعه اخلاقی وظیفه اولارق باقان ملکر آتقیق
 یوکسله بیلیرز . سبی هر نوع حرثی مفکوره نک :
 عدالت ، اییلک وکوزلکک تحقیق یولیدر ، فعالیت
 ایسه قابلیت ایسترد . تعلیم و تربیه انسانده صافلی
 استعدادلری بولارق اونلری تمیه ایدر . علم و حرث
 برآزده عرق مسئله سیدر . بعض عرق حرثه
 استعدادی دیکرندن دها فضله در .

اوجنجهیمی ، حرث یالکیز مفکوره و فعالیت
 دکل ، عینی زمانده محصولی افاده ایدر . اون بشنجی
 لوئی دوریک صنعت ، علم و اخلاقندن بحث ایتدیکمز
 زمان حرث بوراده تاریخی مفهومدر . نتیجه اعتباریله
 تاریخی محصولاردن اوزمانده یاشایان قومک حرثی
 او قویا بیلیرز .

